

沈邱縣志

名宦列傳

先聖

後裔

令尹

儒職

職官附

班氏之傳良吏何限也至所名褒德位不過一令長而張季黃次公之徒皆起家無害戴聖亦明經博士師俱卓卓稱中外然則一邑之父母師帥其英聲偉望自代不乏人顧人品不同政蹟亦異千載之下公論不泯茲傳之所由立乎後之治教於斯者將爲保障抑爲繭絲將爲鷹鷂抑爲鷺鳳嗚呼可以惕然思矣

先聖後裔

沈邱縣志

卷之九

名宦志

一百三十六

周昞季按史記世家周文王第十一子食邑於沈傳至春秋見於經傳一百二十四國沈與焉魯文公三年春諸侯以沈未嘗與中國會盟而南服於楚率師伐之入境而民潰魯昭公四年夏始從諸侯會申秋七月從諸侯伐吳鍾離昭公五年春陳蔡八國伐吳昭公二十三年秋七月戊辰吳伐州來沈子郢自將從楚救州來吳人分師戰於雞父沈子敗死焉其後中國無伯遂臣服於楚至葉公沈諸梁爲楚葉縣尹國遂滅

令尹

明李琳定州人由進士以弘治十一年創縣時任爲
建官之首當縣治初初之時闢草萊建城郭毅然
以規畫措置爲已任凡縣治學宮庭宇壇壝廛市
街巷分經析緯措置有方不傷財不病民百務瞻
舉縣治以新諸逋負餘孽不敢遂其奸狡及蔓延
而爲賊盜者日就約束開創之功公於斯邑稱鼻
祖焉祀名宦

孫誠新河人由舉人繼二李之後城堞雖完而土
質不固公建議包之以磚一時樓角海濠犁然悉
備防守捍禦之功至今賴之

沈邱縣志

卷之九

名宦志

一百三十七

李宗元蘄水人由舉人嘉靖五年任爲政明敏案
無停牘革弊除奸訟簡盜息如修葺學宮及城隍
廟置預備倉開澤漏園戒備戎器凡前令之未及
措行者公一一修舉邑人德之垂二十年後合詞
籲請祀名宦

羅鳳翔字志曾號懷松山西蒲州人由舉人嘉靖
四十三年任歸併陳潁寄庄詭地編審有累差徭
時有強賊白晝行劫公設方就擒民賴以寧先年
流賊之變以無外城賊得蟻附而上公加意先築
西門甕城俟後三門得以續建永垂保障之功三

年任滿陞應天府通判鄉人立祠肖像祀之先是公無嗣在任始舉一子庶夫人蘓氏出以嫡夫人馮氏嚴幾不能育公密選有能存撫者付之時有義民王善政者應如響偕妻田氏潛祿負其家哺之如己子隆慶元年公陞任去時其子方五月七歲時與群兒嬉戲公祠內一兒指公像謂之曰此坐者爲誰詢之因謂之曰汝父羅令尹也歸語政夫婦遂以實對兒始知其故痛其母益感義民延師沈生存化楊生子安教之兒雅有大志克紹父業十六歲擇王濟民女配之婚嫁盡禮萬曆六年

公卒於京時其子年十七鄉人憫公乏嗣有聞其事者白之大司馬鑑川王公遺書河北少叅周公密託鄉人訪之政不敢隱令其子出見十一年取回相持悲泣不忍拚義民去旣歸克紹公後改名斗光習舉子業善箕裘每念義民夫婦不忘歲一二至更潔牲醴以拜祠下而去先年義民無嗣後連舉二子一子爲諸生人以爲撫孤食報云

贊曰天可必乎則仁者必有後也羅以一令尹政化洽民克終令譽乃年幾五十乏嗣息遭中閹之妬旣誕而不能育倘非義民哺育之功羅

氏之先不血食矣謂世無程嬰之善類哉今羅之紀絕而復延義民亦無子而有子羅生無父而有父無母而有母天合各全人合並善天道好還捷如桴鼓有如是夫

馬思齊和州人由舉人隆慶六年任先是羅侯增修西城一甕公至周歷城垣慨然增東南二甕以資保障他如均徭役逮鰥寡革弊釐奸彰教宣化諸凡殫厥心力稅課贖鍰多庫貯以備調度頌聲日起後聞訃去民思之不忘立生祠與羅公並祀宗五經夔陵人由歲貢任居官強毅遇事無所撓

沈邱縣志

卷之九

名宦志

一百二十九

屈時陳州胥役有肆爲飛詭者將靈濟廟丁圮武盤地四百頃有奇糧石如數飛洒縣界沈民代辦幾數載苦無所訴公下車卽以興利除害爲己任弟子員童原蘭劉棟以告公慨然曰彼有地而無糧此有糧而無地吾民何辜隨查西華靈濟廟旁有丁圮武盤子孫卽所洒地之主也上之撫臺委臨潁鄆師二令會勘之得其實糧得復歸之陳而沈千百年之害一旦革矣歲丁卯南關外有河阜商賈達舟楫爲利最久一旦徙而北而南之利不復如初民不甚便公徒步原野指其湍水汛處曰

此流可斷也遂借民力築塞之淤出之田籍以爲
利鄉民就其地立祠肖像以報其功其考賦惠民
勒有碑記

宋存德字維一號育齊辛未進士萬曆乙亥任爲
人真實不苟清白自持剔弊蠹肅衙宇請託不行
省里甲均徭役濬溝渠廣儲畜興學校重節義修
甕門葺城堞訟息民安歷任三年陞都水司主事
去之日民思之不忘爲建生祠鄉大夫劉漢孺爲
之記

劉世光號豐津淮安山陽人由舉人初任英山縣

沈邱縣志

卷之九

名宦志

一百四十

教諭造士有方擢趙城令丁內艱服闋補任沈邱
其爲政操履端方寬嚴得體萬曆癸巳大水傷稼
民不聊生公力請蠲賑設粥場數十處全活者衆
維時鄰郡盜起公申請上臺發遊擊兵數千同百
戶達於海於李遙橋擒獲大寇馮玉舉等九十餘
名賊解散地方始寧有吳生者家貧餽粥不給值
親喪不能辦公給谷數十斛命舉葬事建社學立
義倉濬溝渠舉廢祀實政至今稱之邑乘悉其手
定歷任滿當遷公乞休不止當事交章薦留終弗
從沈人立祠祀之鄉大夫劉漢儒爲之記子一臨

孫自竝曾孫芳聲並成進士官樞要

高毓秀字淑卿號雪竹山東海豐人以舉人任沈邱令下車卽擊奸剔弊臨左右不假顏色遇士大夫以禮人自不敢干以私值旱潦屏輿騶步禱靡弗應常單騎問民間疾苦申文裁冗員立條鞭規則革總催黜副役老人民便之每食不過一器力崇儉約退食之暇課諸生文藝歷寒暑不輟沈自隆慶庚午歷五十餘年公門下士李如霖始中式聞捷之日未啟錄公鼓掌曰必霖也開視果然考滿稱職例當遷公遽求休致民追慕之

沈邱縣志

卷之九

名宦志

一百四十一

宋修對福建莆田人天啟丙寅以舉人任沈邱令居官廉明除錢糧飛洒之病會項地有蓮橋清淨等坡遇雨輒積水灌莽項人控上臺欲鑿河瀉之沈邱公堅持不可遂已沈民不爲波臣公之力也黎玉田號中函陝西乾州人以進士授沈邱令居官英斷不撓庚午賔興公力請學臺增科舉二名遺才一名用爲定額沈民有以誘賭爲生計者動則蕩人產公嚴禁之城市村落無敢少犯銅陽城大盜結連直省嘯聚劫掠當事嚴飭勦捕罔有撓其鋒者公以密計單騎擒之餘黨潰散民無門庭

之寇公之賜也

柴懋掄號鹿柴陝西白河人以選拔任沈邱爲政英敏諸弊一清流寇渡河公擇街民及衙役之壯健者立爲五營日加訓練寇窺沈公指授方畧摧其前鋒寇輒引去有柴兵之名縣治舊有南截河先年爲商民競利所阻有傷地脈公精風鑑委生員盧中洪劉養噩等監督開濬不閱月而深濶如故學宮素缺鄉賢祠公緣士民公請申祀方伯劉公創立祠堂春秋俎豆久曠之典一旦肇興是以衆心允服

沈邱縣志

卷之九

名宦志

一百四十一

國朝劉允謙字六吉號峽石壽州人丁亥進士順治四年任沈邱令爲政英敏案無宿牘廉介不阿遇事敢斷撫流民墾荒土嘗身履隴畝問民間利弊吏胥畏懷奉法惟謹沈人倚之若慈母焉沈士自天啟辛酉後接踵無人公甫受事卽課諸生文藝立社明倫堂條定規則以二八爲期寒暑公親加筆削提命諄復諸生由是奮勵辛卯登籍者四中副車者三嗣後科不乏人冠蓋相望沈之文運公爲鼻祖壬辰四月

欽取擢刑部主事歷郎中尋改御史臺按視山東沈人

思慕爲立生祠虔俎豆

戴良佐順天人以廕生授沈邱令爲政清慎勤敏每東作之時出郊省耕勤者勞以酒食一日之野見耘田盡婦女詢其由知男子方會飲遂拘治之由是沈無惰農農隙督令疏濬溝渠水患有備佐尤重文學重修文昌閣立義學擇師啟迪暇輒往視並察邑境塾師有荒陋者斥之凡塾中子弟名數咸以冊記時爲稽考有情業者拘之交其父兄嚴教焉康熙十九年王提督提兵南下沿河兩岸搶掠民間牲畜衣物鄰邑大受其害公往白督立時鎖禁境內秋毫無犯太和邊界亦借其力得免百姓至今頂祝在任八年陞太常寺博士外轉陝西商州知州去後邑人立祠祀之郭金璧江南人由監生授沈邱令沉毅有謀畧寬嚴並濟邑有巨惡劉暴爲邑大害公不動聲色數日間斃於獄人共快之囚有無辜繫數十年者前令不敢釋公慨然釋之計其女髻齡被禁釋時已三十餘歲矣凡聽訟事無鉅細必以平允決之民稱無冤四境溝洫躬親疏濬建關帝廟於宛邱寺西遂爲今春秋致祭定所復設義學延明師訓誨

邑中子弟加意鼓勵文風爲之一振在任四年卒於官

劉謙江南江都人由舉人試用沈邱爲政英敏案無積牘時沈民賭風甚熾因嚴禁之邑市村落竟無敢犯集店多無賴酗酒毆辱良善亦重譴之良民得以安堵皆感其賜尤勤於治晝而視事夜必出巡邑人好醜纖微畢燭修理城垣躬詣閱視不使人損其土畜損其基改建常平倉四十九間又建蚩蜡祠兼修壇宇政績頗著在任四年調封邱陞陝州牧尋擢衛輝守今轉歸德去後邑人思之

沈邱縣志

卷之九

名宦志

一百四十四

立祠以奉祀焉

李綸江蘇長洲人由監生授開封府通判於乾隆七年署沈事時歲大饑死亡逃竄者過甚公下車卽力請發粟賑濟又捐施綿衣數百件民有活菩薩之譽及代去民多流涕牽衣不忍捨者任事未久未克罄其底蘊人咸惜之

何源洙字燮友奉天正黃旗人由拔貢任許州通判乾隆十年二月朔來署沈事爲人渾厚而精明下車之初卽宣講條約躬詣義學查累歲荒歉問民間疾苦申請 上憲春出麥秋易穀給與均平

民賴以生詞訟有歷年不決者經其訊問不數言而曲直判然兩造允服要其矜恤自寓明斷中也至其勸農桑虔祈禱成志乘出疑獄疏通壅闕溝補植官道柳泣事未彌三月規爲有若期年邑民感德恐其代去數百人集明倫堂祈學師申詳保留學師諭以例不合乃群置長生祿位附邑之六公祠以示不忘焉

寮佐 一人

杜斌四川太寧人正德年爲縣丞賊攻縣急斌同都指揮督衆出禦失利俱死之嘉靖初事聞贈本縣知縣仍廕一子入監

儒職 一人

王良輔隴西人以歲貢正德二年任訓導膂力剛勇賦性勁直不肯俯仰於時長子禮隨任亦有志節事父孝五年三月流賊劉六劉七劫掠縣境民弗能禦遂犯城本官抱憤誓捐軀殉之子禮亦奮勇從父操矢石立行伍間率衆協力堅守賊攻城

沈邱縣志

卷之九

名宦志

一百四十六

急父子並力禦戰累五六日力不能支城破賊縱火抄焚仍血戰不已一時並亡於陣事聞詔給棺殮仍廕一子入監縣人至今壯之嘉靖四十四年通學生員具呈當事入名宦祠春秋祀之

職官 十七人

李相單縣人由舉人任知縣時縣治雖成猶然草創乃繼李公琳之後規隨相續缺者增漏者補建置之功當不讓於前人矣

單繼芳交城人以歲貢任知縣壘土包磚修城約高一丈

茅容威海衛人以歲貢任知縣添修塚口約高五尺

趙永昌安肅縣人由舉人嘉靖二年任知縣展築四面城濠堤以柳栽之

戴乾昌化人以歲貢任知縣開通東南兩門水道復設四城角樓修葺學舍勒有碑記

吳芳合肥人由吏員嘉靖五年任縣丞修隍廟有功

蔡思義滄州人由例貢任主簿修隍廟有功

黃憲樂亭人由例貢萬歷十四年任主簿居官有

沈邱縣志

卷之九

名宦志

一百四十七

風力能執持頗有清白之譽民至今思之

戚棠上海人由吏員嘉靖四十三年任典史巡緝有功操持頗勵民至今感慕

趙明咸陽人由吏員隆慶二年任典史居官廉潔捕盜有功至今民思不忘

蔣鵬山陰人由歲貢嘉靖三十二年任教諭天性質樸丰度和煦事上不阿待士類綽有座上風度曾因謝夫馬中立不屈縣主稱賞既退書聯於衙舍云節義重邱山始不渝終不渝功名赴流水寵不驚辱不驚縣主愈敬重之傳聞當道禮遇優渥

至今稱誦不絕

蘇耀武城縣人由歲貢嘉靖三十七年任訓導師
範克樹年雖老而教不倦却貧生贄儀廉浮不染
衆心允懷

張鯨齊河人由歲貢嘉靖三十九年任訓導冰蘖
自持才裕而不露卻賍驢三返不受捐俸金買磚
修屏墻兵道林公命作觀海賦亟賞之申請優獎
張勲青縣人由歲貢隆慶五年任訓導謙虛能受
勤教有方一時士心向慕衆志翕然至却節儀肅
關防尤其表表者

沈邱縣志

卷之九

名宦志

一百四十八

張士舉武邑人由歲貢萬歷二年任教諭寬嚴並
用恩義兼施歷任三年不受貧生禮節不惜借貸
俸金諸生成荷惠澤其課士勤敏特其餘事耳
雷虺然蓬溪人由歲貢萬歷三年任訓導丰姿温
雅襟度洒脫歷任未久輒賦歸來清節獨標儒林
實罕其儔

張天眷深州人由歲貢萬歷十二年任訓導賦性
質寔恤貧生却禮節捐俸金置文廟黃帳四副下
車時見無靴四人各散金錢三百人心仰慕

